

Morning Dogri (NSD) National News Bulletin 19-10-2024

आकाशवाणी

खबरां राजेश मंसोत्रा कोला।

1. प्रधानमंत्री नरेन्द्र मोदी होर अज्ज नमीं दिल्ली च राष्ट्री शिक्षण सप्ताह—कर्मयोगी सप्ताह दा शुभारंभ करगंन।
2. बिहार च प्रवर्तन निदेशालय नै काले धन गी जायज बनाने दे इक मामले च आईएस अधिकारी संजीव हंस ते आरजेडी दे साबका विधायक गुलाब यादव गी गिरफ्तार कीता ऐ।
3. रूस दे राष्ट्रपति ब्लादिमीर पुतिन होरें आखेआ ऐ जे ब्रिक्स समूह, वैश्विक आर्थिक विकास दा संचालन करोग।
4. राष्ट्रपति द्रौपदी मुर्मू होर अज्ज मलावी च सांस्कृतिक महत्व आली किश थाहरें दा दौरा लांगन।
5. महिलाएं दे टी-20 क्रिकेट विश्व कप च वैस्टइंडीज गी हराइयै न्यूजीलैंड फाइनल च पुज्जी गोआ ऐ। बेंगलोर टैस्ट दे अज्ज चौथे ध्याड़े न्यूजीलैंड खलाफ भारत दूर्ई पारी च 3 विकेटें दे नुकसान पर 231 रजें पर अगगे खेडना शुरू करोग।

<><><><><><>

PM-Karmayogi

प्रधानमंत्री नरेन्द्र मोदी होरें अज्ज नमीं दिल्ली च कर्मयोगी सप्ताह राष्ट्रीय शिक्षण सप्ताह दा शुभारंभ करगंन। इस हफते दरान हर इक कर्मयोगी, घट्ट शा घट्ट4 घेंटे दी योग्यता आधारित सिखलाई दे लक्ष्य गी पूरा करोग। आकाशवाणी संवाददाता मूजब राष्ट्रीय शिक्षण सप्ताह दरान कोई बी व्यक्ति जां विभाग संगठन ते मंत्रालय बक्ख—बक्ख किस्में दे ज्ञान ते सिखलाई हासल करी सकगंन। मिशन कर्मयोगी दी शुरूआत सितम्बर 2020 च कीती गई ही जेहदा मकसद नागरिक आधारित सुशासन गी इक मजबूत डिजीटल प्रणाली दी मदद कन्नै बढ़ावा देना ऐ। इस मिशन गी सिवनि कर्मयोगिं दी योग्यता समर्थ बधाने ते मनुक्खी साधन वसीलें गी मजबूत करने दे मकसद कन्नै तैआर कीता गेदा ऐ। राष्ट्रीय शिक्षण सप्ताह दरान

व्यक्तिगत ते संगठनात्मक समर्थ विकसित करने पर जोर दित्ता जा'रदा ऐ। प्रतिभागिएं गी आईजीओटी प्लैटफार्म पर उपलब्ध कोर्स गी पूरा करना होग। एह कोर्स वेबीनार फारमर च न ते माहिरें आस्सेआ तैआर कीते गेदे न।

<><><><><><><><>

Bihar

बिहार च प्रवर्तन निदेशालय नै त्र सीनियर आईएस अधिकारी संजीव हंस ते साबका राष्ट्रीय जनता दल दे विधायक गुलाब यादव गी इक गबन आले मामले च गिरफ्तार कीता ऐ। आईएस अधिकारी गी पटना च उंदे आवास थमां गिरफ्तार कीता गेआ जदके गुलाब यादव गी लि संजा दिल्ली च इक रिसार्ट थमां गिरफ्तार कीता गेआ ऐ। ईडी नै इंदे खलाफ धनराशि घोटाला मामला दर्ज कीता ऐ।

<><><><><><><><>

Bihar Accident

बिहार च कल संजा बांका जिले च होए दे इक शिड़क हादसे च 6 लोकें दी मौत ते 10 जनें जख्मी होई गे। पुलसै मूजब एह हादसा उसलै पेश आया जिसलै इक तेज रफ्तार ट्रक नै कांवेडिये लेइयै जा'रदी गड्डी गी सिद्दी टक्कर मारी दित्ती। जख्मिएं गी भागलपुर अस्पताल च भर्ती करोआया गेदा ऐ।

<><><><><><><><>

Russia

रूस दे राष्ट्रपति ब्लादिमीर पुतिन होरें आखेआ ऐ जे ब्रिक्स संगठन औने आले ब'रें च विश्व सतह दा आर्थिक विकास पैदा करोग की जे एहदा आकार ते विकास दी गति, विकसित पच्छमी राष्ट्रें कोला बद्ध ऐ। मास्को च कल ब्रिक्स कारोबारी मंच पर बोलदे होई राष्ट्रपति पुतिन होरें आखेआ जे मैबर देश विश्व सतह दी आर्थिक तरक्की दा संचालक करगंन। उनें आखेआ जे नेडमे भविक्ख च ब्रिस्क आस्सेआ विश्व दी जीडीपी च मता योगदान दित्ता जाग। ब्रिस्क संगठन च ब्राजील, रूस, भारत, चीन ते दक्खनी अफ्रीका शामिल न। एहदा विस्तार करिये मिस्र, ईरान, संयुक्त अरब अमीरात गी बी एहदे च शामिल कीता गेआ ऐ। मास्को च

रूस दे राष्ट्रपति होरें विदेशी पत्रकारें गी दस्सेआ जे ब्रिस्क, कदें बी कुसै दे खलाफ नेई रेहा। उनें प्रधानमंत्री मोदी हुंदी सराहना करदे होई आखेआ जे ब्रिस्क पच्छम विरोधी संगठन नेई ऐ पर इक गेड पच्छम संगठन जरूर ऐ।

<><><><><><><><>

President

राष्ट्रपति द्रौपदी मुर्मू होर त्रै अफ्रीकी देस दे अपने दौरें दे अज्ज खीरले ध्याड़े मलावी च किश महत्वपूर्ण सांस्कृतिक थाहरें दा दौरा करगंन। कल उनें मलावी दे राष्ट्रपति लातारस चाकवेर हुंदे नै बैठक कीती ही। डेलीगेशन स्तरै दी गल्लबात परेंत भारत ते मलावी बश्कार बक्ख-बक्ख खेत्तरें च सैहयोग लेई 4 सैहमति पत्रें पर दस्तखत कीते गे। अल्जीरिया ते मॉरिटानिया सनें त्रै अफ्रीकी देसें दे यात्रा दे खीरले गेड च राष्ट्रपति होर जंदे वीरवारें मलावी पुज्जियां हियां। ओह इनें त्रै अफ्रीकी देशें दी यात्रा करने आली पैहली भारती राष्ट्रपति न। जी-20 दी भारत दी अध्यक्षता दे दरान गै अफ्रीकी संघ गी जी-20 दी स्थाई सदस्यता दिक्ती गेई ही।

<><><><><><><><>

Nirmala Maxico

वित्त मंत्री निर्मला सीतारमण होरें आखेआ ऐ जे भारत ते मैक्सिको बश्कार केई खेत्तरें च व्यापक सैहयोग दी संभावना ऐ। भारत मैक्सिको बपार ते निवेश सम्मेलन च उनें आखेआ जे खास करिये दवाइयां बनाने ते मोटर गडिडएं दे खेत्तर च भारत च बडियां संभावना मजूद न। सीतारमण होरें आखेआ जे भारत डिजीटल अर्थबवस्था दे मामले दे वैश्विक स्तर पर उभरा करना ऐ ते यूपीआई जनेई पैहलकइमिणं करी फिनटैक खेत्तर दा बी बडा मता विस्तार होआ करदा ऐ। उनें आखेआ जे फिनटैक ते डिजीटल भुगतान दे खेत्तर च भारत ते मैक्सिको बश्कार सांझेदारी फायदेमंद होई सकदी ऐ। सीतारमण होरें मैक्सिको दे वित्त सचिव हुंदे नै बी मलाटी कीती।

<><><><><><><><>

Women Cricket

न्यूजीलैंड महिला टी-20 क्रिकेट विश्व कप दे फाइनल च पुज्जी गई ऐ। कल रातीं संयुक्त अरब अमिरात शारजाह च होए दे सैमीफाइनल च न्यूजीलैंड लै वैस्टइंडीज़ गी 8एं रंज कन्ने हराया। न्यूजीलैंड नै पैहले बल्लेबाजी करदे होई 9 विकटें दे नुकसान पर 128 रंज बनाए। वैस्टइंडीज़ नै परते च 8एं विकटें दे नुकसान पर 120 रंज गै बनाई सकी। कल फाइनल च न्यूजीलैंड दा मकाबला दक्खन अफ्रीका कन्ने होग।

<><><><><><>

Add Cricket

बंगलुरु च खेड्डे जा'रदे भारत ते न्यूजीलैंड बश्कार मजूदा श्रृंखला दे पैहले टैस्ट मैच दे अज्ज चौथे रोज भारत त्रुं विकटें दे नुकसान पर 231 रंज कोला अग्गे खेडोग। भारतीय टीम अपनी दूई पारी अजें बी महमान टीम कोला 125 रंज पिच्छे ऐ। कल त्रीए रोज दी खीरी गेंद पर विराट कोहली 70 रंज पर आउट होए, सरफराज खान बी 70 रंज बनाइयै क्रीज पर हे। एहदे शा पैहले रोहित शर्मा नै 52 ते यशस्वी जायसवाल नै 35 रंज दा योगदान दित्ता। एहदे शा पैहले न्यूजीलैंड दी पूरी टीम अपनी पैहली पारी च 402 रंज पर आउट होई चुकी दी भारतीय टीम कोला 356 रंज दी शानदार बढ़त बनाई लैती ही।

<><><><><><>

CM-Condeme

मुख्यमंत्री उमर अब्दुल्ला होरें शोपियां च आतंकवादिएं आस्सेआ अशोक चौहान नां दे इक आदमी दी हत्या कीते जाने दी सख्त निंदेया कीती ऐ। अपनी इक सोशल मीडिया पोस्ट पर उमर अब्दुल्ला होरें बिहार दे रौहने आले इस आदमी दी हत्या दी निंदेया करदे होई ओहदे परिवार आले कन्ने हमदर्दी प्रगट कीती ऐ। जियां जे पैहले बी खबर दित्ती जाई चुकी दी ऐ जे अशोक चौहान नां दे इस आदमी दी गोलिएं कन्ने छलनी लोथ कल बडलै शोपियां दे वदाना मलहोरा इलाके थमां मिली। बिहार दा बसनीक अशोक चौहान अनंतनाग दे संगम इलाके च रौहदा हा ते मक्कां बेचने दा कम्म करदा हा।

<><><><><><>

Army Mendhar

फौज नै हाल च गै पुंछ दे मेंढर इलाके दे पहाड़ी मैदान च इक एथलैटिक मीट दा आयोजन कीता ऐ, जेहदा मकसद मकामी नोजवानें गी सशक्त बनाना ते पीर पंजाल खेत्तर च खेड्डें गी बढ़ावा देना ऐ। एह आयोजन ना छड़ा एथलैटिक हुनर गी प्रदर्शित करने दा इक मंच गै नेई सगुआं युवा पीढ़ी गी शारीरिक गतिविधिएं ते खेड्डें आली बक्खी बढ़ावा देने लेई बड्डी पैह्लकदमी बी ऐ। इस एथलैटिक मीट च 100 थमां बद्ध प्रतिभागिएं हिससा लैता। एहदे च मती गिनतरी च कुड़िं बी शामिल हियां जेहछी भारतीय फौज दी खेड्डें प्रति प्रतिबद्धता गी दर्शादी ऐ।

<><><><><><>